

71517

地260.14
139
部505

河陽州志

武備志	寶興	學校志	第五本
兵制	學田	學營	
兵事	考棚	學制	
	書院		



沔陽州志卷

學校

學宮 公車附

學制學額附

學四

考棚

書院

賓興

天下之治本在學校學校不興則士大夫無所繩束而敢於犯天下之不韙沔自前明隆萬以暨國朝雍乾嘉道間二三十年理學名臣照耀簡編固當時士風之盛抑學校之教隆也及咸豐甲寅鼙鼓西來烽烟一舉學宮灰墟比戶乏絃誦聲士習稍不競矣今幸境宇又安司牧者為國培才新學宮嚴學制學田荒蕪者墾之考舍湫隘者增之書院圯者修之義塾缺者置之膏火賓興公車諸費儲之理之作育厚自人材出名儒碩彥

沔陽州志

卷五

學校

學宮

一

蒸蒸日上疇不忻然遊鄉校而樂陶成哉志學校

學宮

文廟在城內東北

崇聖祠舊在明倫堂左後為敬一亭有

明嘉靖御製碑又東西二亭立御注五箴碑

明知州儲洵建

國朝

康熙五十六年州紳譚士法捐金五百鼎建乾隆六年夏知

州禹殿鰲率士法子光譜捐資改建崇聖祠於大成殿後而

以原崇聖祠改明倫堂五十六年暨嘉慶十七年俱邑紳向

系鍾重修大成殿南嚮楹前為露臺周以石欄殿下東西

廡楹前為戟門又前為泮池池東為官廳又前為櫺星門

張鵬

雲辨靈星之說始於詩序其文云絲衣繹賓尸也高子曰靈星之尸也孔穎達釋之謂不知何星漢書郊祀志高祖詔御

史令天下立靈星祠張晏曰龍星左角曰天田則農祥也晨見而祭之史傳之說靈星惟此則靈星之稱非可通用而亦無緣為聖廟之門名矣元成宗大德元年增太廟牲用牢致祝禮畢則以割奠之餘撒於櫺星門外元人於廟事最簡畧然亦設櫺星門可知凡立廟多建此以為儀衛聖廟亦然初何關於農祥之神耶朱竹垞太史孔廟禮樂議有門列戟二十有四之語而唐開元以降廟制三門六戟殿設栗主復見於衢州學記此戟門命名之鑿鑿也明白輔之為應天府尹重修儒學增置石欄若干楹於櫺星門之外而六合縣學櫺星在泮宮坊之後乃正德甲戌縣尹萬廷埏所建王文成記其事文皆作櫺星推命名之義蓋以石為窗櫺羅列散石精其光芒角宛如星然故因以為名也又曰袁子才有櫺星一篇其文曰程綿莊云孔子廟有櫺星門其誤已久詩序云絲衣釋賓尸也高子曰靈星之尸也漢高祖始令天下祀靈星後漢書注云靈星在天田星也欲祭天者先祭靈星風俗通縣令問主簿靈星在城東南何法曰靈星所以祭靈星亦不知也宋史禮志云仁宗天聖六年築南郊壇外壝周以短垣置靈星門夫以郊壇外垣為靈星門者所以象天之體用之於聖廟蓋以尊天者尊聖也其移用之始始於景定六年建康志金陵新志並言聖廟立靈星門惟元志誤以靈作櫺後人

沔陽州志

卷五

學校

學宮

二

承而用之則不知義之所在矣晉史天文志云東方角角星為天關其間天門也左角為天田其南為天陽道右角為將其北為天陰道蓋以天之三門也與後漢書注語正相印證俗儒曲解以為為養先於教蓋猶之櫺之為靈也或曰義取於疏通則有以爲窗櫺之櫺豈不大誤歟案夫子此說皆涉於附會其受病則在移尊天者以尊聖一語夫農星為天左角農祥之神也漢詔天下祀之所以祈穀實故於祀天之外特立此祭漢書注所云欲祭天者先祭靈星正猶魯人將有事於上帝必先有事於頌宮乃於一祭而分尊卑先後其事相因則其地取乎相近故宋人築祭天之壇即置靈星門其祭之儀必於門之左右特立靈星位次以妥其靈其名之為門者以靈星為木天門之一因置為短垣以像其髣髴耳古固有即事以指其門者如庫門雉門之等是矣是則靈星門之立於郊壇乃因靈星為天門之一神而祀天者必先祭之故特設此制以為將享祈禱之所而非以此門足增郊壇之重遂欲藉此以推崇之也則所云象天體以此門足增郊壇其移而置於聖廟也將假虛名以為稱說乎何以處靈星以司天下穀實之神而置於空虛無用之地則於郊壇立靈星門之本意失之矣將承漢志而斟酌於分祭先祭之儀乎何以處孔子欲崇生民未有之聖而無端以他神雜糅於其間

則於立聖廟之意亦全乖矣周官大宗伯掌祭祀之禮於天
文則有司中司命風師雨師之等靈星正其類也先王之制
天神惟天子得祀漢高祖制詔御史令郡國縣立靈星祠祀
后稷也然靈星本屬天神假借名號已未得鬼神之情狀惟
天子因靈星之有功而報之庶不失尊神之意耳夫以天之
至尊而靈星復為其本體祭天者猶必特致禋祀以顯其神
靈之赫濯一移置聖廟遂虛懸而抱鬼餒之痛將謂孔子之
尊遠過於天而乃為是以尊之乎徵之史孔子在宋代猶號
為宣王惟元仁宗稱為文宣帝且以為非是若奉以天之居
果何故乎諸史於謁聖廟皆書之以明崇奉之意理宗僅詔
太子釋奠而已無聞焉則言理宗以尊天者尊聖亦失之妄矣

二坊前為外泮戟門之外東為坊曰義路西為坊曰禮門義

路外為明倫堂堂後為成樂齋奉安 聖像 吳道子所 堂前

為立禮齋為興詩齋又前為學門 舊沔陽府學在城西南

元季燬於兵遂遷今城東北隅 故志云元史至正壬辰乙未

沔陽州志 卷五 學校 學宮 三

友諒復起至甲寅始平中更兵燹凡十三年其燬與遷不知
在何時郡幕戴用瑞連記易炳文家沔陽孔廟後丁未瑞連
開今蓮池在遷所又部使者吳彤跋洪武元年秋七月行部
沔陽謁孔子廟詣所坐堂茅茨三間則改元之前已遷矣

明洪武二年詔建學五年四月興工建大成殿廊廡戟門東

西齋明倫堂射圃膳堂庫厨六年二月工竣九年定為州學

十年知州金德復增飾之 學正袁時習類宮圖敘明初詔設
學於時牧守翦菑翳修草壤茅茨

數楹處師生具文書而已公至使缺者完狹者廣卑者高階
王者崇阜茅茨者瓴甃樸者黝漆所至無不殫慮以濟其美

宣德正統景泰天順間知州李震鄒烜鍾順鄭立相繼修成

化九年知州呂文復修 黎澹記吾道在天下無古今之異惟
以失其人而遂廢得其人而遂興故

運不終剝繼之以復事既有損受之以益况庠序設教以繼
往聖開來學尤事之至大者乎沔陽舊學僻居州西南洪武
初徙至東北據其勝也然其地不踰四五畝屋不滿三十楹
上漏旁穿潢流草長神罔降靈歷若干年茲幸邦家觀文成

化數年來知州延津呂侯文同知霑化孫侯景安州判餘姚
邵侯信三君繼至成務興學協謀戮力乃開拓疆土加學舍
掄選美材整葺殿堂櫺星闕門孔曼且碩匾辜備器既完且
堅泮水舊惟土階今則琢石砌為高梁兩廡舊皆木主今皆
搏土塑成體貌邵侯既以聖像暨四配十哲容顏剝落捐材
選匠塗繪金碧彰施五色各為木龕奉之吾道生輝益以亨
通賢才得所遂皆盛顯癸巳二月邵侯告於黎涪曰是當有
記垂示後來涪聞之坐者兩膝著地因反其蹠而坐於其上
漢文翁興學蜀郡有石刻聖賢坐者皆伸兩足蓋後人為之
也古之祀神臨祭設位題木作主無有像設孔孟時釋奠皆
然雖祭五祀亦惟以人為尸耳今聖賢祭祀亦各像設皆後
人為之也雖然聖賢在天享於克誠學者求道貴乎主敬人
能以誠敬為務而躬行心得則聖人如親見之豈必專求諸
形像哉斯舉也師得以安其位弟子得以安其業厥功甚偉
而吾提督學校按察副使蕭田嚴公又於諸君子有數條焉
默識經書勸博學也崇尚廉恥勸尚德也諸君子克遵其教
條加以誠敬之功則冠冕鄉閭奎璧天榜皆所必
得進而立功名顯道德尚何難哉幸相與勗之
其後知州

泗陽州志 卷五 學校 學宮 四

之規模巍煥視昔迥不侔矣 魯鐸記惟正德甲戌泗大夫徐
初大夫以壬申秋泄泗及暮月政平民服乃遂銳意文教嘗
臨學瞻顧興嘆曰夫域中惟道為至大道傳於孔子亘萬古
一人而已是故為政者似之猶理假之猶興况純用之乎屏
之而覆敗叛之而死亡棄之而覆絕是雖么麼不能離呼吸
不得問者也今我國家舉帝王之政其修身養士取人純用
是道泗為江漢閒大州聖化所先而廟與學庫閣淺隘且日
以敝如養士興道何大夫於是謀之府庾無儲也遂捐俸為
金若干登役書曰我姑覆篲之效也四境感激義生競相舉
助後至則訾嫚以為恥旬日白金輸公篲以千數計凡木工
黝丹髹堊傭募皆取足焉舊貫不仍新址崇作乃命工師傑
圖式以示敦事者期極於宏壯工徒胥勤効職事故成功不
爽其素廟自大成殿以下為楹凡四十有五學自明倫堂以
下為閒凡七十有一殿高七丈五尺堂高不及殿者二丈而
兩廊廡重門齋號官署門庖各稱焉其戰門為楹六如殿數
重等威也景賢祠齋宿所附於兩廡便從事也既乃據坊為
三表著其東曰儲後西曰啟文又西近通衢者特曰學宮別
里巷也是役也公不計費民不知勞其材碩堅其治精工蓋
非為計於目前者屢棟巍然遙見城表生師交賀作氣增志

駸駸而知向道居肆成事之喻夫豈誣哉故居是邦樂有賢
六夫也大夫以奏績轉駕部學訓導徐連從諸生王閻邵凱
數輩走東岡請記於余余病未能即應歲必一二至蓋五六
年於茲矣而請益勤人之思大夫不能忘可知也余媿焉勉
為記之時嘉靖改
元壬午五月也
十二年知州李濂嘉靖五年按察副使劉

士元十年知州曾儲二十八年分巡荆西道鄭汝舟知州王

輔傳頤記莆田少野鄭公汝舟分巡荆西道之二年乃重修
泗陽廟學泗陽公開府地也今上以承天獻皇帝園林在

焉特置荆西一道分巡用按察司僉事非才望之臣不輕異
公與青陽雙華柯公喬皆先後拔自淹滯雙華始至見學之

東有淤池焉欲恢拓遷之稍東命義民楊榔十數輩覆土築
之會遷去乃止公繼之甫下車三日謁廟周視兩廡登明倫

堂瞻顧歎曰敝圯若此何以稱禋祀且令諸生居業哉眾以
遷學之議請公曰姑俟之逾二年歲豐人和維揚王君輔適

簡來知是州加意學校公一日集學正熊駿訓導苗騰張士
卯程式生員包達而下百八十八人謂之曰惟茲遷學予惟卒

雙華之志茲事體重予其卜諸既協吉乃屬王公經紀其事
又簡典膳劉遷冠帶生員汪傑邵鳶朝夕臨視其焚築務堅

泗陽州志 卷五 學校 學宮 五

其樸斲務質始事於丁未正月至戊申六月而工訖敝者新
圯者正廟學視一道燿然稱壯麗矣公乃擇日釋菜於先師
祭畢進諸生曰爾之欲遷學也為其敝也亦知吾人之學之
敝乎夫人君綜理天下非左右承宣之臣無以成治然必預
養之乃得真才者出是故立之學校聯之官師伊古聖賢其
言行俱在六經語孟使之日習月繹玩味有得著之於身而
發為文章俟其成就然後登而用之因材任官凡行誼道術
之士莫不濟濟彬彬足以成俊偉光明之業是朝廷建學之
初意也士人讀其書必以聖賢為期其未用也家庭宗族敦
盡孝友取予不苟言動有則一鄉之中用能興起禮樂助成
風俗及舉於鄉升於朝內外大小隨所除授咸殫盡心力勵
己奉法其或有事則之死靡他如魯公文山之節是士人為
學之極則也今天下士習間以玩世傲睨為高趨時儂捷為
賢放達不拘為變通浮沈免咎為盛德侈進取為豪傑認客
氣為氣節若是者其處也非良士其出也非良臣豈聖主所
以作人與士所以自待之意哉夫朝廷之建學其敝也吾有
司能修之士之為學其敝也將誰諉乎在修己而已願聞之
不覺惕然乃昌言曰少野之意吾黨類能知之然習而不察
行而不著多矣非加深省其不以為老生之談者幾希時方
奉勅督學西蜀乃推少野之意布為科條朞月之間人士駸

駁有向風意第願鄙劣愧無以躬行倡之歸來少野遷江西參議行矣王君念學之興廢不可無誌命頤記諸石願惟廟學在正德甲戌海鹽徐君咸嘗大撤而興之今三十餘年乃得少野起其敝而吾人之學又得其所聞而自警豈非斯學昌大固其一新之會耶少野舉王辰進士與余為同年凡所至以廉節著聲其在荆西愛民造士真誠懇切無干譽好名之為去之日二郡五邑老幼無不願留者沔陽被膏沐最近遺思殆無已焉因其言願與諸生共勗之 三十

七年知州袁福徵萬曆十年知州史自上三十四年知州許

亨達天啟元年知州徐時任 陳文燭記學宮在郡城東北之

迤千里會焉休風顯氣伏鍾名哲記脩學者成化則黎文僖公正德則魯文恪公嘉靖則傅司徒公詳哉其言之也後袁公福徵請記於先按察公而不果萬曆八年郡守史公奉命涖沔顧瞻廟貌有傾圮者明年政通人和蠲吉與事州判朱君耀承委勤力慮材鳩備各捐俸助之自禮殿兩廡戟門櫺星門敬一亭名宦鄉賢祠以至牲庖齋所廩庫泮池煥然斧藻七閱月而繕完公率諸生告成事觀者如堵不佞謂魯人歌泮水以頌僖公漢時觀橋門者以萬計千載而下旦暮

沔陽州志 卷五 學校 學宮 六

遇之史公興學蓋循吏云學正徐君應宿訓導呂君蒞王君冲命諸生劉完陳宗器輩謁不佞碑焉憶侍先按察公論學公曰二三子知孔門之學乎當時農山之遊閒居之侍於由則曰勇哉士乎憤憤者乎於賜則曰辨哉士乎仙仙者乎於回則曰美哉德乎姚姚者乎於參則曰道以明德德以尊道可語王道乎他如金人之銘欵器之說雙圃之射蜡賓之興慎言持滿志三代之英乎顏子歿而曾子唯一貫矣曾子歿而孟子承三聖矣彼稱江漢以濯之秋陽以暴之皜皜乎不可尚也吾友謙之謂其直指本體所唯不虛即賢於堯舜之贊堯舜未易賢也麒麟於走獸鳳凰於飛鳥不幾於絕德乎禮樂之等最為近之奈何求諸聞見也後世談日衆而道日晦不過子羽之容宰我之辭桓文之事管晏之功止耳下則鄉原之媚左邱明之所恥也洗心者非乎語曰丹之所藏者赤漆之所藏者黑君子慎所處也二三子生長江漢處學宮矣脩學者尚飾以丹漆而乃無洗濯之功如藏修何不佞跪而受命終身誦焉謙之者鄒東廓先生也良知之學得諸王陽明先生沿濂洛關閩而達洙泗者紹聞德言告我同志倡明正學以光山澤庶無負郡守公之教哉江之永矣不可方思漢之廣矣不可泳思郡守公之謂也公名自上浙江餘姚人 費尚伊記大夫徐公以婺源諭擢守吾沔始至謁

先師廟觀學宮圯壞意圖修葺適觀察朱公至與大夫意合乃各捐俸以修而仍覈學田久匿於民間者以租多寡授學博康君首任其事毛君龍君繼至相與規畫不數月而殿宇維新若堂若廡巖巖翼翼而戟門之卑隘與朽蠹者悉為更創視舊制更為崇隆大夫顧而樂焉日以公暇集諸生講業其中虛往實歸大有裨益仍以月朔之次日集諸生講業老聚講鄉約條分縷析彰瘡咸備士風民俗遂為一新於是昭揚始同於日月歷代尊崇姑置勿論高皇帝沈疇六合混一諸夏崇儒重道臨幸表率郡邑之學碁布星列斯為盛矣歷代而降不無少替俗吏逡巡罕能加意頽垣敗壁埋沒荒地茂草閒二三博士聚廬託處會風雨之不蔽而暇肩鳩功庀材之任哉大夫維風易俗樹坊植表他務未遑首先營度康君輩惟勤惟愷翼而成之誠為矧見然諸生亦知曲體大夫之雅意乎蓋吾夫子之道誠大矣自二氏之說興浸淫惑溺賢者不免而吾師之宮乃過而不睨春秋饗祀或虛而無人鄉飲酒禮至為隆重或恥而不為朝絃夕誦載在功令博士坐寒檀置空席而鮮質疑甚者借衣冠為駟僮倚膠庠為壘斷任智舞文操吏長短若此者大夫詎願有之大夫近刻士約先德行後文藝型範具存諸生朝於斯夕於斯其務飭

沔陽州志

卷五

學校

學宮

躬勵行以實趨向勿以惰淫敗德勿以玩愒廢學勿以朋比植黨勿以所弛敗羣勿論冠章甫披縫掖者務自表樹即幸而獵青紫登樞要者亦當思根本之地砥礪名節扶持世教勿使晚進者執繩墨而議其後大夫不與有榮施哉至於仰視懷桷俯視筵几先事是師相繼增飾定不使絃誦之地化為汙萊則有司之事非諸生之責也願諸生勉之朱公諱化孚吳之丹塗人大夫諱時任吳之常熟人康君諱時雍毛君諱序並楚人龍君諱繼皋臨清州人崇禎十四年知州章曠皆重修章曠記沔學創自國初代有修葺而歲於今為烈殿宇堂廡傾倚枝柱甃城除祀鞠為茂草曠心悲焉進諸生告之曰茲何地與非所謂絃誦詩書士子居業之地與奚蕪穢不治爰捐俸稍慮材鳩傭緝紳而下赴義如流殿廡以下半圯則葺之明倫堂尊經閣全圯則新之講武堂周士倉前此未有則增之始於庚辰春工成於辛巳孟秋為費二千餘緡仍舊者什三鼎新者什七攻木之工五攻石之工二攻金之工一畫繪之工一柞雍之工一題榮棗桷疏寮費楹堂室庭寢棟宇門觀樸鑿藉聖華整堅好自此以往丹碧之采蒸為文明詩書之氣積為人物郭公記云沔楚各區巍科雲奮他郡不及今且益信發祥流慶詎有際量哉或曰

今天下多事三楚尤盛戎馬之生利在式邊興學敘倫無乃不急則請於落成時誦泮宮之詩以祝捐助姓名別記襄其事者州司馬武塘孫君茂芝別駕西粵李君甘贊幕東陽董君萬祐學博溧水施君一鼇司訓辰谿余君蛟翔永定胡君從誥文學胡元化等董其役者 國朝康熙五年知州佟成義者劉魁元為學宮之奚斯云

年重修十一年知州王浩冲修葺戟門泮池官道並建下馬

坊 王浩冲記玉沙瑤草間各賢接踵列在前編考邳志讀書臺在復州紫氣觀唐皮日休陸龜蒙讀書於此雖時殊勢異而培植士類則以學宮為教化之原遠不暇稽 國朝戊申春辛亥夏先後皆肇修而未備也及辛亥仲秋余承乏茲

士涖任之三日謁學宮郡庠諸子以修葺文廟請初不違舉

壬子夏始捐俸薪以為郡倡自學博劉君以下捐俸有差大成殿舊制壯麗稍稍葺其罅漏戟門匾其額由戟門以至月

橋後埏堦十餘丈築以土甃以石泮池濬深倍舊種荷數十

本櫺星門左右官道準國學制建下馬坊至尊經閣奎壁樓

諸處猶有待是年得鄉薦者內外學得六人多士進而請曰昔狄梁公為復州刺史時桃李咸出公門今亦云然請勒石以記其事余遜謝不得爰為之記 四十一年知

泗陽州志 卷五 學校 學宮 八

州朱化隆五十六年知州盧振先屢修葺雍正十年知州禹

殿鼇甫下車即重修 禹殿鼇記維昔三代之時養士造士國

警宗上庠凡學士之所以藏修息游師儒之所以講論考校

必於學會子固所謂自幼至長未嘗去於學之中楊龜山所

謂士遊於膠庠術序之間攬六藝之精華而充飫乎道德之

實者是也後世翼宮雖設士未敢羣萃州處其中以滋褻越

然 國家之氣運在人才人才之振興由學校則學宮之不

可以漫漶而廟貌之必當嚴肅宏麗者非徒以妥聖賢在天

之靈實人才菁華秀傑之氣之所凝滙而發越者也 國朝

崇儒重道趨邁百王追封累代書諱聖名誠萬世不刊之令

典雍正壬子孟秋予奉 命涖泗下車之始謁文廟見正殿

徹漏垣墉上惡木叢生漸已成拱兩廡閒老屋欹斜壞牆斑駁蒼鼠穿瓦不禁太息久之夫泗所稱人文淵藪者而學宮之黯澹泐剝如此欲使人才之蒸蔚其可得乎且崇聖一祠宜在聖殿之後明倫堂宜居聖殿之東偏今居祠東北隅而堂反巍然居後址位置未協不無有待於更張而宮牆之繕葺整飭有難於姑待者爰集諸薦紳繼掖而謀之曰昔之長吏宰都人士修學宮者前事可師也予雖不敏願捐薄俸之

所入爲之嚆矢諸君其有意乎於是謝君載受余君之璠史君宏烈陳君祖塘皆慨然輸材木鳩工作棗稅餽餼之屬鱗萃雲委丹漆金碧黝聖之飾應手而辦於是牆宇完固神厨光潔較之前此規模則益加峻整氣象則更爲顯燦雖予之綿力首倡而諸君子將伯同心之助厥功顧不偉耶昔鄒文莊之言曰世之學者記誦詞藻儼然宗孔氏矣飾輪轅資羔雉以徼爵位甚者遺親後君偁規錯矩將孰從而新之今吾沔士之遊茲泮宮也瞻殿宇之巍峩而時存羹牆寤寐之思服習文莊之訓砥節礪行策勳樹績爲名儒爲名臣皆操質券而取償焉非予所跋而重望者哉爰記其歲月姓字以昭茲來

許云 乾隆六年改建大門外屏牆於德配天地道冠古今二坊之內 故志云學宮屏牆向在二坊外形家言前勢太重且遠乾隆六年三月知州禹殿鼇乃糾紳士移牆二坊內坊側繚以欄楯是年復重修櫺星門戟門嘉慶十四年邑紳平家立捐銀四百兩助修 旌表孝子平澍復捐銀五百兩買王姓基地修理外泮池十六年邑紳張錫端捐資修明

沔陽州志 卷五 學校 學宮 九

倫堂興詩齋立禮齋成樂齋儒學門道光二十四年廟堂西

牆傾圮數丈不蔽風雨邑紳江蘇候補通判平仁凱 平家立孫平澍

嗣捐資修整咸豐元年邑紳直隸霸昌道張鴻衢 錫端子 捐資

復修明倫堂各齋四年春 大成殿兩廡燬於賊五年學正

張際春率生員吳體元重修七年工訖同治七年學正張子

琴訓導胡孚禾重修建官廳於戟門外董其役者庠生楊茂

芝杜康蕃 文廟樂舞向未備設乾隆五年學正歐陽一正

奉文遴取樂侑生童置備樂器延武昌府學樂師集生童於

學宮教習之凡舞生三十六名樂正五十二名禮生十名一

時禮明樂備頗有可觀後僅存空文加意肄習責在官師

正位

至聖先師孔子

考漢平帝稱宣尼公和帝封褒尊侯北魏孝文帝稱文宣尼父後周宣帝封鄒國公隋文帝稱先師尼父唐高宗贈太師元宗諡文宣王宋真宗諡至聖元武帝號大成至聖文宣王明嘉靖九年議去王號並大成文宣之稱廟不稱殿易像為主木主高二尺三寸闊四寸厚七分座高四寸長七寸厚三寸四分朱地金書

國朝順治十四年定今稱

東配

復聖顏子

漢永平十五年祀七十二弟子顏子位第一魏晉祀孔子均以顏子配唐貞觀二年以孔子為先聖

泗陽州志

卷五

學校

學宮

十

顏子配饗

述聖子思子

宋大觀二年從祀端平三年升列哲位咸淳三年配饗

西配

宗聖曾子

唐開元八年從祀宋咸淳三年配饗

亞聖孟子

宋元豐七年配饗

考以上配位以前皆稱封爵元至順元年贈顏子兗國復聖公會子鄒國宗聖公子思子沂國述聖公孟子鄒國亞聖公明嘉靖九年改稱復聖顏子宗聖曾子述聖子思子亞聖孟子

國朝因之

木主高一尺五寸闊二寸二分厚六分赤地墨書

學制

宋大觀元年詔布周官六行八刑之法於學宮令所在鐫刻
淳熙六年御書白鹿洞教條頒天下學立石明洪武二年令
學者專治一經以禮樂射御書數分設科教三年定學校射
儀十五年頒禁約於天下學勒石明倫堂謂之卧碑成化三
年令督學官躬歷各學督率教官化導諸生仍置簿考驗其
德行優文藝贍治事長者列上等簿或有德行而劣於經義
或有經義而劣於治事者列二等簿經義優治事長而德行
缺者列三等簿若平日囑託公事捏造歌謠興滅詞訟及敗
倫傷化過惡彰著者不必品其文藝即行革退嘉靖五年世
宗親撰敬一箴並著宋儒程氏視聽言動四箴於天下學校
立碑以肅生徒

河陽州志

卷五

學校

學制

十

國朝

順治九年頒勒學校卧碑

石勒明倫堂

學額

歲科試文生學額應取進二十名外撥府學四名武生原額
應取進十五名外撥府學二名同治二年以紳民捐輸銀九
萬九千餘兩加廣永遠文武學各九名又河陽團練出力加
文武學各三名六年復以紳民捐輸銀一萬三千一百餘兩
以萬兩加永遠文武學各一名以二千兩廣一次文武學各

一名八年復以紳民捐輸團練經費請加該州文武學各五十九名分作六次進取其廩膳生員三十名增廣生員三十名歲貢生以廩膳生員按食餼次序貢入成均選拔貢生十二年一舉行仍舊制

沔陽州志

卷五

學校

學制

學田

西方寶成鄉第三圖馬九里舊有學田七百七十二畝八分

七釐四毫額徵餉銀六兩三錢六毫一絲六忽一微二塵志故

云雍正十三年州牧禹殿鰲查明詳請中則田七十二畝五分四釐八毫額徵餉銀一兩七錢四釐八毫七絲八忽下則

田九十四畝六釐二毫額徵餉銀一兩八錢六分八釐七毫一忽三微二塵水鄉草塌田三百六十六畝六分四釐額徵

餉銀二兩八分六毫八絲二忽湖河茭塌田二百三十九畝六分二釐四毫額徵餉銀六錢四分六釐九毫八絲四忽八

微又中則下則額徵漕米七斗六升一勺四抄六撮二圭三粒南米五斗七升四合七勺二抄二撮二圭三粒三粟每歲

完納餉米外恭備先師聖誕祭品並諸生月課之用州

紳長沙府教授賀鎬同子國學生瑤捐送南方小沙院田二

沔陽州志卷五 學校 學田 土

十一畝九分六釐每歲估收為學宮修葺之用戶部尙書

傅頤捐送田畝為賑貧生讀書費計北方太石院田三十三

畝二分原額租銀一十兩一錢革腦院田一千零五十畝原

額租銀四十二兩東方夏陽院田四百三十九畝六分原額

租銀一十七兩七錢以上三院共田壹千五百二十二畝八

分額徵租銀六十九兩八錢正賦一十七兩八錢七分以上

餉米若干故志脫去雍正十三年知州禹殿鰲因學田肥磽不等旱潦

頻仍佃民租賦難於並輸於詳請清文案內文明地畝等則

照神壇廟基大路官堤等項一例開除不派餉米造入簡明冊內申詳上憲咨部題明乾隆二年學正歐陽一正飭各

院佃民承認領種酌減租銀務期完納得實貧士均沾實惠
由知州禹殿鰲核定申詳各憲署撫總督宗室德 咨部由
部具題奉 旨依議遂以乾隆二年爲始每年同民賦奏銷
永定規額計大石院上則田一十九畝下則田一十一畝六
分五釐七毫共田三十畝六分五釐七毫認租稞銀六兩五
錢四分六釐夏陽院下則田七十一畝四分六釐八毫水鄉
三頃五十二畝四分五釐七毫共田四頃三十三畝八分八
釐一毫認租銀六兩八分九釐葦腦院下則柴田五頃一十
三畝九分九釐九毫水鄉茭塌田二頃三十三畝八分五釐
三毫茭塌白水田四頃六畝一分五釐三毫共田一十一頃
五十四畝五毫認租稞銀三十兩三錢六分三釐七毫以上
三院各則共田一十六頃八畝五分四釐三毫共租銀四十
二兩九錢九分八釐七毫每歲分給極貧次貧生員其後三
院加增租銀十八兩九錢八分八釐三毫並前共徵租銀六
十一兩九錢八分七釐道咸以來疊被大水夏陽院在通城
院腹內田沈波底太石院界連襄河田畝崩挫河心俱未種
植佃民流離無從啟徵經前州詳請將夏陽太石二院租銀
暫行減除所有葦腦院應徵租銀四十二兩同治八年學使
張之洞奏准提轅面賑經知州羅登瀛詳明以同治十二年
爲始每兩折徵錢三串共錢一百二十六串除祭掃飲食等

項十二串四百二十一文扣解減平銀二兩五錢二分外下
餘錢文按照市價易銀批解學轅賑給貧生 西方古鳳院

九百三十畝六分一釐額納稞銀三十兩餉銀四兩三錢四

分志學署東園田三段 十全院田七畝 官路南田三

十三畝八分九釐四毫 九十墩內院杜家柳田一十畝

長豐二十二墩即新莊院田五畝費捐 恩全院龍眼墨池

溝田六十六畝王進修捐 玉堂院田十一畝九分七釐五

毫費 捐 蕭小院田三十一畝九分費 捐 童小

院田四十九畝九分五釐費 捐 田下院田一畝九分

府場棠赤院田五畝三分二釐八毫街西基地一畝五分

沔陽州志 卷五 學校 學田 三

六釐六毫 沈家場定家洲田二十五畝九分四釐四毫

永泰院土京口田五畝 青石院田六畝八分七釐五毫

涉子院槎頭湖田十九畝四分九釐一毫現種九畝二分餘

在洪永豐院 汪家洲田十六畝汪立誠捐 范漑關杜家

院田一千零九十三畝道光八年知州劉 移送入學新

打峯田二十二畝七分七釐三毫胡仙岩捐 乾沱院銅盤

峯嶺田一百二十畝九分四釐六毫費 捐 直一里陶

字號田四畝七分九釐四毫費 捐 裴官院田十六畝

一分五釐二毫費 捐 六合院田二畝嚴金氏捐 老

港院田三十九畝定豐院田四十七畝三分四釐五毫費

捐 三角大院田一百六十四畝七分四釐五毫費
捐 侯家下院田十畝饒亨捐 梅公院田一十畝 京坻
院土京口田十一畝七分八釐九毫蕭文煥捐 紅土院田
十六畝監生劉振聲捐 朱龍院田四十一畝九分六釐五
毫武生文正煥捐

沔陽州志

卷五

學校

學田

四

考棚

校士館在州署東嘉慶二十二年州紳平治平澍捐建共用
錢一萬三千五百五十三貫四百九十八文計頭門二門捲
棚大堂二堂並廚房屋各三間東西號舍八十五間棹凳八
百二十八塊坐號四千二百八十四座知州劉琴詳明有案

劉琴碑記國家人材之盛由培養亦由遴選書院為造士之
地試院則選士之場自唐典試春宮於是乎有禮部貢院我
朝壽考考作人械樸薪標彙征連茹鄉會則有貢院科歲則
有試院一州一邑亦有建立考棚者蒐材校士典甚鉅也復
州為文人藪鴻儒碩彥代有聞人其鄉先輩如童內方陳玉
叔邵賓旭胡稀美傅師止費似鶴類樹碩望垂芳型餘韻清
芬宏啓後進絃誦之音比戶成風邇來應童子試者四千餘
人多士誠濟濟矣第科歲試於州署儒童自備棹凳不惟苦
於拮据且人多屋少簷角階墀胥為列座一遇風雨雖能文
之士亦捲卷輟筆其抱才而未抒者不少後之人屢議修考

泗陽州志

卷五

學校

考棚

五

棚輒以工用浩繁欲作復輟前州郎牧初蒞任出示勸修亦
未果嗣學師陳雪門劉秀川兩先生皆言邑紳平治有志斯
舉即君喜而詢之則對曰是非生意先人之意也生祖為烈
少應試即蓄斯志而力有未逮生父家立欲成厥志又以早
滂頻仍中歲棄世今生之所以勉行斯舉者非敢言創亦仰
承祖考志也郎君曰善子即行之平子乃爰始爰謀見斯地
爽塏面離象兆文明不惜重貲購之戊寅夏余來牧茲土即
君以斯舉告余平子復繪圖具呈余往觀其地尚須拓廣平
子又不惜重貲廓之余既為獎勵且為之上日而興作焉於
是鳩工庀材揆畧定位繚以周牆樹以崇閣頭門內構小廳
為官廳廳之前填隙闕十餘丈為諸童聽點暫駐之區次重
門內墀兩翼分列號屋過此有臺屹然臺上置堂為校士堂
堂後歷小墀為室數間則司試者衡文之所也越二年告竣
余公暇止見夫門則屏綵績楹黼黻閱闈而雄冠墀則文
石綺錯砥道坦夷達乎中央號屋則長廊廣廡時簷連甍修
案闊板左右並布臺則砥礪階層級上陟於乃坪堂則巨
虹梁列星椽聖壁鈿閣繪日虹雲蓋奎壁之所拱臨室則瑣
窗啟其玲瓏周除窅而潔清匪樸匪鏤亦雅亦幽其締造之
周密規模之宏富非萬餘金不為功客春試童其中閱其號
得四千數百有奇皆坐可橫肱居不促膝既逸且安風雨攸

除入斯棚者按部就班澄心凝思皆得出其真才揆藻摘華
共鳴國家之盛於此發軔雲程蜚聲翰苑由試院貢院而
鳳閣鸞掖珥筆以贊皇猷知必有如先輩童陳邵傳諸
公接武而興者英才薈萃人文日盛是平子之大裨於後也
豈獨復人土抑亦守土者之光焉爰為斯記蓋深嘉平子之
克成先志且以風士之有志創舉者張錫穀寄平文學詩
道謀多載迄無成察舍公私促膝盈獨闢廣塲營大厦特申
一手掖諸生塗泥辱免衣冠壯塵市風移徑竇清福種書田
功不朽斯文應與卜韋平道光元年澍又慮號舍歷久損壞復與兄治捐

送東庄兩院田二百畝以備修葺每年定租利一百一十貫
繳存州署備支咸豐四年粵匪竄沔屋稍破燬候選訓導李
文林釀集租利並籌款添置基地及號舍數間嗣後旱潦不
齊致將修葺租利改為驗租浮費百出幾至田租廢弛光緒
元年平治姪同知銜河南補用通判仁凱令族姪候選鹽知

沔陽州志

卷五

學校

考棚

六

事登高臨田丈量文出實種田一百八十三畝九分零溝澗
界路田一十六畝零又將佃等現種實田分為上中下三則
上則每畝定租錢七百文中則每畝六百五十文下則每畝
四百八十文今佃等各照所種田畝若干按則科算每年租
利可收原定額數稟州改歸戶科按名按畝註冊另立紅簿
券據每年同國賦一體徵收貯存俟修葺之年由公正紳
首同戶科清算賬目計實存若干按工程大小稟請提支經
知州王庭楨批准隨傳齊佃民結認完租逐年遵繳在案又
咸豐十年知州周開錫諭邑紳辦理推收積有單價餘欸分
派童試卷價成本二千五百串發新鎮舖戶生息光緒五年

知州鍾廷瑞提存各舖生息發仙鎮春生福質舖一千五百
串彭家場向廣太四百串西圻湖張恒太二百串新隄胡東
陽八十串李慶豐七十串魏復興一百二十串魏慶陽七十
串黃恒興六十串 光緒十年漢陽府知府慶勳斷令張葆
貞等歸錢三千三百串發戴家場太和元質舖生息內存一
百串派作童試卷價成本連前每年共納息錢二百六十串
歸童試充用

案詳賓興部

沔陽州志

卷五

學校

考棚

書院

南湖書院久廢

復中書院在城南久廢

學正王鑿記佚 陳柏記夢中書院

而韓李朱陸諸大儒往往往弦誦其中其名與膠庠並著近若陽明青原又與諸區爭勝惟其人以師道自任海內景附之遂令此學明於既晦是以人而傳不獨以地勝也余少知學竊聞其緒論長加砥礪服官幃幄遂奪於風塵簿書間庚申罷歸卜居城內學宮之前門有隙地構屋數楹為講習所藏經籍子史日遊焉以課吾子弟里中少俊暨四方咸有造者前後皆蔬圃又種竹數竿為屏沔古復州茲當其中題曰復中書院客有謂先生之名近而旨遠也且人受天地之中以生有喜怒哀樂即天命之性也率之中節斯稱中和而道存矣後世視堯舜之揖遜湯武之征伐伊尹之於太甲周公之於管蔡孔子之於少正卯皆驚世駭俗之事而索隱行怪者往往慕其似而卒流於子噲之讓莽操之篡也已至如子莫者又執一於為我兼愛之中而無權也故曰惟精惟一允執厥中斯義也載在六籍猶茲室也在復中為中而茲室之中

沔陽州志

卷五

學校書院

仁風書院知州王浩冲捐建在蓮花池上中奉宋儒周敦頤

位並揭愛蓮說於左

王浩冲記宋長沙守建嶽麓書院與嵩

書堂相傳為皮日休陸龜蒙讀書處至今遺址尚存云余刺沔二載欲借詩書滌潤塵氛癸丑正月登仁風門樓眺漁父隱林緬然有懷古之思爰分俸構隙地於薜荔園結茅砌垣俾子衿之向學者揚風扞雅於斯因匾曰仁風書院易不云乎元者善之長君子體仁足以長人元於時為春宜東方文章東耀被以仁風則文而質矣以是名院欲後人顧名思義以紀盛也世之紀盛者無過金谷蘭亭輞川綠野種種名區

何如原憲寶牖聲出金石至今猶在文人口碑以夫下之大
何指點便見化理彼一邱一壑芳蹟獨傳者有所以傳之也
如閻伯璵九日之會不遇王子安范希文不以先憂後樂為
已任則豫章無閣岳陽無樓矣太白與杜子美同登吹臺而
臺重慧遠與陶淵明同遊虎溪而溪名謝靈運嗜奇南國勝
概盡經物色從來地之傳傳以人倘攻玉於此有陸龜蒙其
人者則此地冠三楚矣聞河有鴻軒宋時張耒所構未臨行
留詩曰他年若問鴻軒人堂下薔薇應解語余去後但有解
薔薇語者則記可以不作矣雖然余亦欲後世知讀書處也
又何可不記

玉帶書院在東門外蓮池側 國朝乾隆三年知州禹殿鼇

建今廢 史學成記天下之事有本有末其為治者有先後故
士者民之俊秀也民有恆產厚生力積足以給其俯仰而士
於其閒乃得專精一志於鼓篋博依之區漸涵三物之教以
待賓興魁壘奇傑之彥往往由茲奮跡焉當其時民熙熙於
野士斌斌於學何其盛也三代而還阡陌開而民鮮常業黨

河陽州志 卷五

學校 書院

二

岸廢而士尚奔競此易田疇正經界古大賢之所以倦倦而
不忍置也前恭逢 憲皇帝乘乾御極勤民重本孳孳以
教養為先務而內外諸職司咸能將明德意克副嘉與維新
之化歲在壬子特 簡在部賢員分治楚北煩邑而汜水禹
公以中州巍科來守茲土下車即詢泗民彫瘵之由始知郊
有侵畔廩有漏籍亟為請之大憲奏之 當之履夫畝而丈
之井田分晰戶口詳明於是政成而上下安之泗人士躍然
曰公蓋天民也而軫懷起瘠如此必將以先覺提撕後起焉
公亦曰予之任也夫稂莠除則良苗懷新正學興則天章煥
彩如組龍袞豈蓄腐絲如奏天鈞甯容山曲况泗之英賢輩
出彪炳自昔者哉邈來經學寢蝕實行蔑如母亦廣勵漸摩
者有未至乎 國家安所得成才而用之宋儒周子言師道
立而善人多善人而天下治余所竭方靖職端在於此往
公每月兩次集諸生於公署課藝較文造就多士茲以
上戊午大比特建書院捐資卜築於東門外蓮池之濱清波
萬頃綠樹千重簷阿接文昌之閣階除近孫公之材恍見明
威有赫景行行止之思遂擇諸士文行秀謹者而楷模於其
中先器識後文藝稟章程嚴課肄俾士肅括夫視聽而澡被
其神明於以升上國而贊太平庶其攸賴庸知海內之士不
以此為鵠哉夫當田產清丈之後值多士振刷之秋行其野

而讓畔讓塗并地均矣入其室而春絃夏誦士行修矣夫瞻
仰前徽克勤砥礪又豈僅以博取榮名為報酬地哉古大臣
以人事君之道於河見之矣况公之奏績也美不勝書若
聖宮賢廡則巍然一新狄樓奎亭則諸廢俱舉他如隄防有
築農桑有課河流有濬道路有修各有傳記載在口碑者甚
衆在易臨之傳曰君子以教思無窮容保民無疆詩曰樂只
君子德音不已於公乎是驗敬壽貞珉以告來者 禹殿鼇
詩東南一水抱州城玉帶蟠迴淑氣盈凸岸虎蹲增磊落層
樓暈煥倍崢嶸憑高極目高雲遠把酒聯吟夜月生新闢講
堂敷 聖化書聲嘹唳樂羣英 董智登文昌閣望蓮池荷
花和禹公原韻詩煙光萬頃護魚城帶水潺湲碧浪盈柳暗
書堂花綺麗池涵虛影閣崢嶸芙蓉媚向風前笑齒蒼香從
靜裏生夜夜芒寒奎壁皎端資賢守育羣英 陸良弼和原
韻詩禹門浪激動春城化雨膏同澤溥盈點就龍睛飛浩淼
摩成犀角勢崢嶸三台象自冰壺映 駉 文萬品瑩
從水鏡生迤邐清流同不息儲才為 國集賢英

紀恩書院在迎恩樓左街蓮池之濱乾隆四年國學馬世傑
及魏廷桂等置買基地二分八釐一毫紳士公捐鼎建書院

泗陽州志 卷五 學校 書院 三

前為亭勒蠲免民欠 聖諭牌後為廳三楹後左右翼小軒

室三楹今廢 通志聚奎書院 卽紀恩改名

聚奎書院在城南士灣文昌閣東舊為學政楊引祚第乾隆

十三年知州黃詠倡建 黃詠碑記 國家設立學校所以明

觀摩切磋砥庶業精於勤而不荒於嬉我 皇上御極以來重

熙累洽文治光華重道崇儒既設太學又令各省建置書院

董以師儒嚴以規條洵鉅典哉各上憲宣布雅化培植人材

是以炳炳蔚蔚文風日上蓋其涵濡者漸矣乾隆戊辰余奉

命蒞泗披閱州志河先代不乏名儒及接士子多光明俊

偉足資造就且家絃戶誦仁讓之風比比皆是第散處四方

講習各異非所以大陶鎔資觀感也子因有志創立書院又

苦一人心力有限爰集紳士謀之諸紳士踴躍歡騰共釀資

以襄厥事於是建堂構設講筵締造經營歷三載而告竣延

師收士課誦弗衰砥節礪行就將罔懈名其院曰聚奎堂曰

敬樂孔子曰百工居肆以成其事君子學以致其道其斯之

謂與予與諸紳士創之尤賴後之人綿之行見造修日純品

誼日正以淑身心可爲士林之望以博巍科
可爲形廷之輔子於諸生不能無厚望焉道光五年州紳

平治捐錢二千二百餘串重修十五年知州張寶榮重修咸

豐四年州署燬借作公署十餘年折毀朽壞書院內舊有

唐吳道子繪鑄聖像卽竟陵前明掘地所得者邑紳張錫毅

搨本命工摹勒上石奉安後堂中咸豐七年移奉明倫堂後

齋每歲八月二十七日紳士會同致祭監生譚光繩捐中

則田六十八畝坐中二里週城院監生陸定榮捐水鄉田

二十畝一分七釐坐沙口里雙福院貢生余應祥捐下則

田二十畝三分八釐坐窯頭里邈邈湖貢生余應達捐上

則田七畝六分七釐四毫中則田五畝七分八釐一毫下則

沔陽州志卷五 學校書院 四

田十畝六分二釐六毫坐直五里張師院監生郝浩捐水

鄉田一十六畝坐東北里敖家院監生謝道選捐田二十

六畝四分坐新增里河幫院上則六畝下夾院下則一十七

畝中院水鄉三畝四分監生蘇奇茂捐水鄉田一十畝零

四分坐東北里敖家院同知銜平治捐田一百五十四畝

坐司一里豐盈院又捐河水田七十餘畝坐堯頭里臘湖

武兆齡武言正捐河水田一百餘畝坐堯頭里臘湖平治武

捐臘湖田原系一冊共計寬七百七十餘弓長六十零半弓張□□妻黃氏捐田一百

二十餘畝坐通城湖前所院職員周逢霖等捐公田三百

二十二畝九分八釐坐仁和里長字號乾隆四十七年知

州尹 查得直一里乾沱院白小湖謝玉七漏丈田六百一

十五畝二分七釐三毫詳請充公歸入義學即聚奎書院船三十

六隻每年每船完繳魚課八百文 同知銜平治捐田一百

一十五畝坐新增里新興院每年繳租二十四串 職員劉

祖煊捐田一百五十五畝坐馬宗里謝內謝外裴家革腦四

院每年繳課租錢六十串零八百一十五文此田原作育嬰堂資用因育嬰

堂廢移作膏火費咸豐十年前知州周開錫諭邑紳在推收餘款提

成本錢二千串發州城下關各舖戶每月每串以一分行息

每年獲息錢二百四十串文諭監生王開甲翰林院待詔李

九皋等經理按季呈繳生息作為膏火迨後廩生李文林領

沔陽州志 卷五 學校 書院 五

成本二千串生息光緒五年附貢生陶孝則等稟請知州鍾

廷瑞提典生息僅提到成本錢一千一百串發峰口萃升源

質舖三百串本城下關廣泰福質舖四百串童海口大元裕

質舖二百串張家溝晉泰恒質舖二百串共提典生息成本

錢一千一百串下剩原領成本錢九百串諭飭李文林三子

廩生暉吉仍照一分生息按季呈繳發給膏火 光緒五年

巡撫潘蔚審結先年羅大順等充入興賢莊中一里紅字號

革墾盈餘湖田七百八十四畝斷歸聚奎書院每年由地方

官著佃繳租以作膏火載興賢莊實與部案內 光緒十年漢陽知府

慶口口斷令張葆貞等歸錢三千三百串發戴家場太和元

質舖生息內分二百串派作膏火成本案詳賓興部
江峰書院在新隄集誠書院在仙鎮

義學附

義學四在州城內外光緒六年知州鍾廷瑞捐廉創設七年定於過割糧單內每張抽錢二十文津貼塾師束脩

沔陽州志

卷五

學校

書院

六

賓興 公車義學附

沔邑賓興公車自道光二十五年前福建按察使周揆源等
籌捐前直隸霸昌道張鴻衢暨邑紳向系鍾費道章張樹煊
等倡捐闔邑共捐錢七千有奇以三千貫作賓興成本餘作
膏火卷價等項成本邑紳平治捐銀一千兩作公車成本存
典生息咸豐四年兵燹後未經清理復原咸豐十年邑紳張
紱麟傅卓然李九皋劉興梯向春榮王端卿萬嵩王治平黃
經緯戚天恩等呈請知州周開錫將推收單價餘款以三千
貫作賓興一千五百貫作公車當定章賓興錢歸仙鎮紳首
領存生息公車錢歸沙鎮紳首領存生息

周開錫敘沔陽沃野千里舊稱富庶

沔陽州志

卷五

賓興

公車附

之區自道光中葉以迄咸豐之元二十年間水害游至加之
寇盜橫行疊遭兵燹而向之典章文物蕩焉盡矣咸丁巳余
因公來此日與張雪琴諸君子遊往往酒酣耳熱談及盛衰
之際未嘗不慨然有志於復古越一載唐鶴九司馬奉檄督
辦推收諸君子不辭勞瘁家喻戶曉於是鄉里升斗之糧官
府田賦之籍乃有所執以為憑而又以其餘力復興學校諸
舊典及余攝篆之次年始告厥成所議章程既呈之官且付
剞劂蓋欲貽諸將來毋俾廢墜也余多諸君子嘉惠桑梓之
功更有望於後之人士相與敦品勵學蔚成 國器以無負
鄉先生勸勉之意雖然興利捍患何以為養端表型俗何以
為教抑豈非守 茲土者之責與 後因每屆鄉會試取息維艱光緒五年知州

鍾廷瑞將該款成本並光緒四年張葆貞等歸賓興一千貫
均提存各典一分生息光緒十年生員張德源夏清和孫麟
等舉人陳紱昌劉勳才鄆文達等控追道光二十五年所存
各商戶賓興公車各項漢陽府知府慶勳斷令張葆貞等歸

錢三千三百串除歸膏火二百串卷價一百串其三千串以二千串歸賓興一千串歸公車由知州鄧倬英發典生息前後共有賓興成本六千串發州城下關廣泰福質舖一千一百二十串得勝場益大成質舖三百串峯口萃升源質舖二百三十一串張家溝晉泰恒質舖二百串通海口大元裕質舖一百一十五串五百文仙桃鎮永順厚質舖六百六十六串七百五十文仙桃鎮春生福質舖一千一百六十六串七百五十文質押向元茂房屋二百串戴家場太和元二千串公車成本二千五百串發沙湖慶泰成質舖五百串張家溝晉泰恒質舖五百串謝家場聚成公質舖二百五十串峯口沔陽州志

卷五

賓興

公車附

八

萃升源質舖二百五十串戴家場太和元質舖一千串又有興賢莊賓興田畝始於羅棋卽羅大順捐送紅土院紅字號田二百七十餘畝

冊名劉廷貴

又契買余宗良隔墻六湖湖分二

股田一百五十畝又監生李宗祥捐送隔墻六湖湖分十二股教職李汝龍捐送細灣湖分又生員王亮玉不在冊內之盈餘湖水七百八十四畝俱充入興賢莊岸田付莊頭管領收租湖分典與余天彩之父本奎管取魚利每年定稞如數完納後經天彩霸騙租稞咸豐八年庠生周治控追光緒元年庠生陳廷賡蕭京田邵樹忠楊天愷羅炳南等續追光緒二年天彩赴京狡控光緒五年巡撫潘蔚審結羅天順李宗

祥買管冊田與余宗良隔墻湖湖分原先已入賓興仍歸紳
首給佃領種收租典湖取利充作賓興之用其嘉慶十六年
清丈隔墻六湖原額一千零四十七畝外盈餘湖淤田七百
八十四畝每年納租錢六十串歸聚奎書院充用

京都會館附

舊有基地在前門外孫公園歲久失業新館在前門外麻線
衚衕北口十間房正街坐北朝南計房二十一間同治二年
舉人劉興梯倡捐並勸州城暨四鎮富紳殷戶醵金函寄入
都刑部主事陸光祖閩縣知縣楊鴻濂國子監學正劉華禧
雲龍州知州張禮堂舉人譔璋巢縣知縣周應漑在京公議
沔陽州志

卷五賓興

公重京都會館附

九

建置因費不給周應漑捐助銀一百兩成之契存翰林院贊

善李紱藻處